

Parlamentario drs. Booshi Wever

Pueblo di Aruba no ta beneficia di e proyecto di Urirama na ningun momento



Sr. Booshi Wever dunando su conclusion di proyecto Urirama

ORANJESTAD -- “Na momento cu a wordo anuncia cu lo bay haci e evaluacion door di e comision Hulandes MER, mi a bisa di un principio cu esaki ta bira un vaste neus. E ta masha straño cu Sr. Juan David Yrausquin a bay Hulanda bin bek, sin pone esaki ariba agenda. Durante un reunion e mayoria den Parlamento ta dicidi cu nan ta bay pidi e comision MER aki pa haci e evaluacion basa ariba e rapport di KEMA, cu ta e rapport di e desaroyado di e proyecto di Urirama. Esaki kiermen cu comision MER mes, no ta bin Aruba pa haci e evaluacion y pa colma ta manda un carta cu e opdracht, sin bin bek Par-



lamento cun'e," palabranan di Parlamentario drs. Booshi Wever

E Parlamentario a agrega cu e ta haya hopi lamentabel cu apesar cu tin preocupacion riba e efecto cu e molina tin pa cu salud di hende, nan ta opta pa cremencha cu placa. Enbes di laga MER bin Aruba y laga nan haci e investigacion riba nan mes, door di ta "ter plekke" akinan, pa asina nan por wak e luga, e distancia y e midinan pa asina por evalua e situacion manera mester ta, lo a costa nos € 65.000,00 (euro) enbes di a \$45.000,00 cu a wordo paga pa duna e rapport aki cu ta basa ariba e rapport di KEMA. Algo cu Sr. Wever ta haya cu ta bale la pena mirando cu ta trata di salud di hende.

Sr. Wever a sugeri pa wanta solamente un luna sin bay den bario y tin "wine and dine parties," pa asina cera e diferencia rekeri pa trece e exper-tonan di comision MER aki na Aruba pa nan por duna un evaluacion concreto.

Sr. Wever a señala ariba e alineo cu e rapport di comision MER ta habri cun'e bisando, "Gegeven de korte adviesperiode en de budgettaire beperkingen kon een advies op maat met specificatie naar de lokale situatie en concrete inrichting niet plaatsvinden.

Een locatiebezoek van de Commissie was niet mogelijk."

Sr. Wever tambe a referi na un conferencia di video cu tabata tin dialuna na oficina di VNO (Vertegenwoordiging van Nederland in Aruba) cu e comision MER, na momento cu a puntra nan cu apesar cu ta cumpli cu tur e normanan di e rapport di KEMA for di cual nan a tuma nan base, si e posibilidad ta keda, cu e proyecto Urirama por tin efectonan negativo pa salud di hende. Segun Sr. Wever, e representante di e comision MER aki a contesta: Ja, maar met een grote, Ja.

"Dus sigur, sigur, e por tin efecto ariba salud di hende".

Sr. Wever a conclui bisando cu "Na bienestar di e pueblo di Aruba mi ta kere cu e proyecto aki mester simplemente wordo para, no solamente pa motibonan menciona, pero e no ta bay tin niun efecto ariba e prijs di coriente. Paso tin sistemanan di respaldo cu ta keda den "modo di espera," pa si acaso biento mester cay. Pero esakinan ta keda gasta comestibel y ta manda substancia den atmosfera contradiciendo loke cu nos kier, cu ta un atmosfera limpi. Tur esakinan hunto, pueblo di Aruba no ta beneficia di e proyecto aki, na ningun momento!"